

Gasto di importacion ta ser inclui entrante Promer di April

AUMENTO TARIFA DI CORIENTE

ORANJESTAD(AAN)—Manera a ser spera, e ciere di Lago a significa un aumento den gasto pa produccion di awa y electricidad pa WEB. Si tabata tin varios rumor ta circula encunto e prijs di awa y electricidad, ayera DIARIO a papia cu e Jefe di WEB, Ing. A. Yarzagaray, kende a confirma cu entrante Promer di April ta cuminsa incalcula e gastonan adicional den e cuenta cu ta ser presenta na consumidornan.

Ing. Yarzagaray por a duna e informe concreto, cu importacion a significa cu mester paga 3 Dollar pa baril extra ariba posting di

Curacao. E gasto aki mester ser incalcula den e cuentanan di consumidornan, y por spera pues un aumento di alrededor di 1.5 cent pa KWU entrante Promer di April.

Pa loke ta trata awa, ainda mester mira si Gobierno Insular ta bay mantene su decision pa ajusta prijs na Juli.

Di tur forma e desaroyonan actual a significa cu WEB mester biba cu un gasto extra di 4 millon pa aña pa combustible, loke lo refleha tambe den e cuentanan cu mester ser presenta na consumidornan.

UN LUNA DI PLAZO PROMER CU DESMANTELA REFINERIA

ORANJESTAD(AAN)—Si dentro di un luna ningun di e gruponan cu a demostra interes, bini cu algo concreto, e proceso di desmantelacion di e refineria lo ser inicia.

Esaki a ser participa ayera durante un conferencia di prensa pa e Consejero General di Bestuurs-college, señor Betico Croes, cu a confirma e informe anterior di DIARIO cu no solamente lo desmantela loke ta ariba tera, pero tambe loke a ser construi bao di tera.

Betico Croes a bisa cu den e gruponan interesa tin e doño di dos refineria, esta na Antwerpen y na Antigua, cu sinembargo mester di cooperacion di Venezuela y Mexico, pa entrega di 180 pa 200 mil baril di crudo.

Aparentemente lo tin gruponan Ingles y Arabier tambe interesa den e planta y tin un plazo di un luna promer cu Lago ser someti na desmantelacion.

Mientras cu e planta ta den un estado actualmente cu cualquier grupo interesa por yega y cuminsa refina, Betico Croes no kier a crea speranza sin base, mustrand cu dia pa dia lo ta menos facil pa start e planta atrobe.

Mientras pues tin un luna mas pa un grupo dicidi si ta continua cu e refineria, Betico Croes a bisa cu lo tin trabao pa algun aña si desmantela e planta.

Den silencio empleadonan den
comercio a entrega

SITUACION COMERCIAL EMPEORANDO

BERDAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION

DIARIO

DI ARUBA


Bo Matutino
Netamente Arubiano

DIARANZON 3 APRIL 1985 AÑA 4, No. 1288

AUTO NA CANDELA

ORANJESTAD(AAN)—Ayeratardi den vecindario di Cero Patrishi, un auto a pega na candela. Tabata trata di un Volkswagen Brazilia cu a pega na candela y cu a rekeri actuacion di Cuerpo di Bombero cu por a haci poco ora nan a yega na e sitio.

E auto a kima rapidamente y a bay completamente perdi pa su doño.



Dialuna atardi e fundacion pa combato cancer na Aruba, Koningin Wilhelmina-fonds a cuminsa cu su colecta anual. Señora Henriquez Presidente di e Fundacion, a acerca Gobernador di Aruba, kende a haci e promer donacion, den presencia di señora Sheila van Veen, miembro di directiva di e fundacion. Ta asina cu anualmente durante luna di April, e fundacion ta tene su colecta pa recauda fondo pa yuda combati cancer. Henter comunidad Arubano ta ser suplica pa coopera cu e fundacion, depositando algo ariba e cuanta bancario di e fundacion na cualkier banco local. Tambe por haci donacionnan cerca e miembronan.